



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

V. Quomodo Dux Bolezlaus Pomeranos expugnauerit.

urn:nbn:de:hbz:466:1-41527

Quomodo Dux Boleslaus Pomeranos
expugnauerit.

CAPVT QVINTVM.

Sesidus.

*Dux Boleslaus
contra Pome-
ranos arma
mouet.*

*Victoria Boles-
lai de Pomerania
relata.*

*Edit. Canis.
Badum sed leg.
Naclum. Vide
Cromerum
lib. 5.*

*Numerus ca-
sorum & ca-
ptiuorum.*

H Is omnibus ergò ipsis ad votum compositis, Pomeraniam insultibus crebris concutere, vastare ac populari cœpit. Et quia paganismo tenebantur, Dux eos aut penitus elidere, aut ferro ad fidem Christianismi conatus est impellere. At illi suis sibi viribus, eò quòd ciuitates & castra, naturâ & arte firma in introitu terræ haberent quamplurima, se inexpugnabiles fore, arbitrati sunt, omnemque substantiam suam in Urbibus collocantes, armorum præsidia præparare moliantur. Sed quia Deo placuit aliquos ex eis contere, vt cæteros ad fidem conuerteret, ingenium & vires contra eos Boleslao ministravit, ita vt multis & magnis cladibus eos frequenter afficeret. Nam & ciuitatem Stetinensem, quæ stagno & aquis vndique cincta omni hosti inaccessibilis putabatur, quæ etiam totius Pomeraniæ Metropolis fuit, hiemali tempore strictam per glaciem non sine periculo exercitû ducens inopinata clade percussit. * Naclam quoque ciuitatem munitam & fortem valdè fregit & succendit, & omnem regionem eius igne & ferro vastauit, adeò vt ruinas & adustiones & acruos cadauerum interfectorum incolæ nobis per diuersa loca monstrarent per annos tres, ac si de strage recenti.

Tam grauisimè autem in illarum ciuitatum expugnatione subacti sunt, vt quos neci & captiuitati Dux superesse passus est, cum suo Principe Christianos se atque tributarios fore, quòd iurare licuit, pro lucro ingenti ducerent. Ferunt autem, quòd octo & decem millibus virorum pugnatorum neci traditis octo millia cum vxoribus, & paruulis ad terram suam captiuos abduxit, & in periculosis Marchiarum locis in Urbibus, & castris eos collocans, quòd terræ suæ præsidio forent, & cum hostibus suis, gentibus scilicet externis, bella gererent, indixit,

indixit, hoc addito, vt abdicatis idolis, Christianæ se religioni per omnia conformarent.

Sed cum reliquos de gente perfida, quos in terra propria tributarios dimiserat, Dux, fidei Christianæ apponere curaret, omnes Episcopos terræ suæ conueniens, nullum persuadere potuit, vt illò ire, atq; in tenebris & vmbra mortis sedentibus lumen vitæ vellent ostendere, singulis suas excusationes prætendentibus, sicq; per triennium dilata est prædicatio, Duce ipso satis ægrè ferente dilationem.

Stadium Boleslaus introducendi in Pomeraniam Christianismum.

Quomodo expugnatos ad Christianismum cõegerit, & Ottonem Episcopum Evangelistam & Prædicatorem eis acquisserit.

CAPVT SEXTVM.

Bandem instinctu * admonitionis diuino ad hoc opus Ottonem Babebergensem Episcopum, cuius tunc fama latè in regnis effloruit, eò quòd & hunc in adolescètia eius Patri suo, Capellani more, obsequentem, notum & charum habuerit, inuitare decreuit, opportunum fore autumans cum tali viro & antiquas renouare amicitias, & tam sancti operis gratiam illius iniungere sanctirati.

*Sesidms. * admonitio. Boleslaus S. Ottonem in Pomeraniam inuissat.*

Mittens ergò legatos & munera scripsit ei literas secundum verba hæc: Domino suo & Patri amantissimo Ottoni Venerabili Episcopo, Boleslaus Dux Polonorum filialis obsequij humilem deuotionem. Quia in diebus iuuentutis tuæ ad Patrem meum decentissima te honestate conuersatum memini, & nunc quoq; Dominus tecum est firmans te, & benedicens tibi in omnibus viis tuis, si tuæ non displicet dignitati veteres tecum renouare animo sedit amicitias, tuoq; consilio simul & auxilio vri ad Dei gloriam promouendam, ipsius gratia coadiuuante. Nosti enim, vt arbitror, quomodo Pomeranorum cruda barbaries, non mea quidem, sed Dei

Litèra Ducis Polonia ad S. Ottonem.